

## SECCION AMENA.

## ATERIK AÑA MARATILL.

Talo egin s̄ar baten gañean  
 Chardin zar errearekin,  
 Chopin pare bat sagardo edan  
 Gabe ondo etzan Chomin.  
 Lanari laja ezkeroren  
 Eguneroko billera,  
 Sagardo leun arragatsua  
 Saltzen zegoan tokira.  
 Berez alaia, buruz abilla,  
 Eziñ egona išillik,  
 Etzan izango ipui berri bat  
 Ark konta gabeko gaurik.  
 Ontzak choria ibill oi duen  
 Modura zenbat alditan,  
 Chuleatutzen zuten lagunak,  
 Aserra erazi naian.  
 Baña Chomini ajola guchi,  
 Bazizkioten ematen  
 Bi edo iru baso sagardo  
 Ipuichoaren ondoren.  
 Paratu arren izan ziteken  
 Jolas-gairik okerrena,

Berealāse zuan botako  
 Koplarikan ederrena.  
 Zeren ain zuan gozitza eta  
 Biguña bere etorkia,  
 Non zirurien egunsentiko  
 Chorien kantu ezta.  
 Arrats batean paratu zuan  
 Iñork ikusi gaberik,  
 Bere oñetan peseta zar bat  
 Polchikotik aterarik.  
 Eta alcha zuan esanaz:—au dek,  
 Au dek suertea, Jaunak!—  
 —Nerea,—zion esan alboan  
 Zeukan chalupa mutillak.  
 —Beraz, esan zak ¿z̄er siñale dek?  
 —Izango da karaduna:—  
 —Orduan ez aiz, esan zion, i  
*Moneda au galdu duena.*—  
 —¿Eta zer zidan esango esan  
 Banion kara gabea?—  
 —Ez intzala i, aur mukitsua,  
*Pezeta onen jabea.*

OTAEGI-KO KLAUDIO-K.